



Republika e Kosovës  
Republika Kosova  
Republic of Kosovo



Komuna e Vitisë  
Opstina Vitina  
Municipality of Viti/na

## PROCESVERBAL

### I MBLEDHJES SË JASHTËZAKONSHME TË KUVENDIT TË KOMUNËS SË VITISË

Mbledhjen e ftoi kryetari, z.Bekim Azizi, kryesues i seancës së Kuvendit Komunal. Mbledhja është mbajtur më 15.06.2026 (e hënë), në shtëpinë e kulturës “Gursel e Bajram Sylejmani”, duke filluar punën në orën 10:00. Në mbledhje morën pjesë kryesuesi i Kuvendit, z.Bekim Azizi, nënkryetari i komunës, z.Hasan Aliu, drejtorët komunal, si dhe këshilltarët e Kuvendit: z.Basri Aliu, z.Ramadan Deliu, zn.Zejnepe Osmani, z.Illir Zuka, z.Ekrem Ymeri, z.Faruk Shabani, znj.Yllka Qamili, zn.Djellza Fejzullahu, z.Bekim Azizi, z.Hajdin Ademi, z.Visar Demiri, z.Nuhi Ramadani, z.Selim Sejdiu, znj.Elsa Jahija, znj.Ardita Hajdari, z.Jakup Demiri, zn.Lindita Demelezi, z.Ekrem Abazi, z.Lulzim Haxhiu, zn.Liridona Bislmi dhe z.Remzi Salihu, z.Elham Emërllahu, z.Labinot Bislmi, ndërsa munguan: z.Sokol Shaqiri, z.Bekim Rama, znj.Mirjeta Hamiti, znj.Majlinda Shabani, z.Ekrem Abazi, zn.Liridona Bislmi.

**Kryesuesi i Kuvendit, z.Bekim Azizi:** Mirëdita dhe mirë se keni ardhur në seancën e jashtëzakonshme të Kuvendit Komunal të Vitisë. Përshëndetje për të gjithë të pranishmit që janë në këtë seancë. Kjo mbledhje është thirrur konform dispozitave ligjore, me një pikë të rendit të ditës: Propozim për shqyrtimin dhe miratimin e propozim-vendimit për bartjen e mjeteve nga të hyrat vetanake të vitit 2025 në vitin 2026. E dimë se seanca e jashtëzakonshme thirret me pikën e caktuar të rendit të ditës dhe nuk ndryshohet rendi i ditës. Duhet për këtë pikë të diskutojmë. E dimë që një seancë e kemi të papërfunduar dhe atë seancë do ta ftojme, e tani vazhdojmë. Nëse ka dikush me diskutu para se ta miratojmë rendin e ditës.

**z.Labinot Bislmi:** Kryesues, për seancën tjetër, e cila me siguri do të jetë vazhdimësi ose e jashtëzakonshme, por kur bëhet fjalë që mundet me u mbajt, a kemi mundësi me pas qasje në dokumentat dhe dosjet në fjalë? Sepse, të them të drejtën, unë jam mjaft konfuz lidhur me këtë projekt. D.m.th, desha të kem informacione më shumë dhe sqarime, ndoshta edhe vetë nga grupi DAKA me na ardh këtu me dhanë sqarime shpjeguese, dhe ndoshta me pas ndonjë prej atyre që po protestojnë kundër projektit, pra banorëve në fjalë. Besoj që ne kemi të drejtë me pas sqarime shpjeguese drejt për drejt prej këtyre njerëzve. A është e mundur?

**Kryesuesi i Kuvendit, z.Bekim Azizi:** Për çdo material që lidhet me procedurat e komunës, procedurat e komisionit të themeluar nga Kuvendi dhe procedurat që kanë qenë, është obligim i komunës me na sjellë çdo material që nuk e kanë sjellë. Pjesa tjetër e komunikimit, ne edhe atë ditë kur e patëm diskutimin gjatë temës që u diskutua pas ndërprerjes së seancës, pata një konsultim me banorët e Devajës dhe u konsultova me ta që ata patën me marrë një fjalë me paraqit atë versionin e vet, mirëpo nuk vazhdoi seanca për shkak që u koordinum me grupet që me shty për një kohë. Ndërsa te pjesa tjetër e fituesve, për me ardh me paraqitë atë, nuk besoj që vinë në Kuvend dhe është e nevojshme që ne me pas debat me të dy palët. Seancën deri në fund të muajit besoj që kemi me mbajt. Pasi që nuk ka për debat, e jepi që të miratohet rendi i ditës. Pra, me të gjitha votat pro, pa asnjë votë kundër dhe asnjë abstenim, miratohet edhe rendi i ditës.

Si pikë e parë e rendit të ditës:

#### 1. Propozim për shqyrtimin dhe miratimin e propozim vendimit për bartjen e mjeteve nga të hyrat vetanake të viti 2025 në vitin 2026

**zn.Milihate Ajeti, drejtoreshë:** Përshëndetje për të gjithë të pranishmit. Kryetari i Komunës së Vitisë i propozon Kuvendit Komunal që ta aprovoj vendimin për bartjen e buxhetit komunal nga të hyrat vetanake të

pashpenzuara nga viti 2025 mbi ndarjet buxhetore për buxhetin e Republikës së Kosovës për vitin 2026, neni 8, ndarja dhe rindarja e fondeve të bartura, si dhe obligimet e pakryera financiare nga viti 2026. Pika 2, bilancet e pashpenzuara të të hyrave vetanake të komunave, dhe pika 6 -7 për bartjen e buxhetit komunal në vlerë prej 303 mijë e 855.75 euro në vitin 2026 nga vlerat e mjeteve prej 303 mijë euro e 855.75 mjetet e bartura dhe të pashpenzuara nga viti 2025 janë 6 mijë e 776.91 dhe të alokuara në kategoritë dhe programet sipas planit të buxhetit, dhe kemi një rritje nga të hyrat vetanake për 297 mijë e 78 euro. Bartja e Buxhetit Komunal nga të hyrat vetanake komunale propozohen të shpërndahen në këto kategori ekonomike: Mallëra e shërbime, në shumë prej 559.28 €; Subvencione e transfere, në shumë prej 1,230.00 €; Investime kapitale, në shumë prej 302,066.47 €. Të shpërndara në këto nën programe buxhetore: Në kategorinë ekonomike, Mallëra dhe shërbime, shuma prej 559.28 €, në nën programet, Zyra e Kryetarit (16033), shuma prej 559.28 €, Zyra e Kryetarit; Në kategorinë ekonomike, Shpenzime kapitale, në projekte ekzistuese, shuma prej 302,066.47, buxheti me kodin e bashkëfinancimit dhe participimin me donator shuma prej 297,078.84 euro, në projektet: Shërbimet e shëndetësisë primare, shuma prej 4,987.63 euro, dhe renovimi i ambulantës në Viti, kodi në shumë prej 4,987.63 euro. Në kërkesën për bartje të mjeteve të pashpenzuara nga të hyrat vetanake të vitit 2025 në vitin 2026, të miratuara nga Kuvendi Komunal i Vitisë, nuk ka ndryshim në strukturën e shpenzimeve të mjeteve të mbetura, të pashpenzuara. Komuna ka tejkaluar rritje planin e të hyrave vetanake të vitit 2025 në vlerë prej 297,078.84 euro, buxheti i planifikuar ishte 1,270,127 euro, kurse të hyra të mbledhura janë në vlerë prej 1.567,205.84 euro. Janë rritur kategoria e shpenzime kapitale në vlerë prej 297,078.84 euro. Bartja e të hyrave në vlerë prej 6,776.91 euro, kanë mbetur pa u shpenzuar nga viti 2026 në kategorinë e shpenzimeve kapitale në vlerë prej 297 mijë e 78.88: Mallra e shërbime, 559.28; Subvencione e transfere, në vlerë prej 1,230.00 euro; Shpenzime kapitale, në vlerë prej 4,987.63 euro. Ndërsa, bartja e të hyrave në kategorinë e shpenzimeve kapitale në vlerë prej 302,066.47 euro, në projektet e ekzistuese bëhet nga tejkalimi i planit të shpenzimeve kapitale dhe mjete të pashpenzuara nga viti 2025 për pagesën e obligimeve në projekte të bashkëfinancimit, për të cilat kërkohen mjete shtesë të papaguara, të kryhen obligimet financiare.

**Kryesuesi i Kuvendit, z.Bekim Azizi:** Pak një sqarim për një pjesë të këshilltarëve që janë të rinj. Të hyrat vetanake, të cilat nuk shpenzohen ose të cilat mblidhen më shumë se që është planifikuar, është obligim i Kuvendit me i bartë për vitin tjetër. Ato që mbesin nëpër kode buxhetore pa u shpenzu, domethënë mbesin në ato kode; nuk mundesh me ia ndërru kodin, por duhet me i bartë. A janë 20 centë apo më shumë, duhet me mbetë në atë kod. Ndërsa të hyrat që janë mbledhur më tepër, sikur tani që janë mbi 200 mijë euro, këto mund të ndahen në kode tjera buxhetore. Muajin e kaluar ministria e ka leju me e bë bartjen dhe, për këtë arsye, kemi thirrë seancë të jashtëzakonshme, sepse nuk guxojmë me u vonu në këtë punë, pasi mjetet duhet të alokohen dhe të shpenzohen këtë vit.

**zn.Milihate Ajeti, drejtoreshë:** Që kanë qenë të alokume dhe të pashpenzume janë veç 6 mijë e 777 euro, ndërsa rritja që e ka tejkalu buxhetin prej të hyrave vetanake është 297 mijë euro. Kjo nuk ka qenë e planifikume, por është tejkalu gjatë realizimit të të hyrave vetanake.

**z.Jakup Demiri:** Përshëndetje për të gjithë të pranishmit. Mua më interesojnë këto bartjet që po i përmendni te projektet e bashkëfinancimit. Ishte mirë me i cekë konkretisht cilat janë ato projekte, me ditë se ku kemi me i çu ato pare. Sepse tash e dimë që ka shumë obligime të pakryera ndaj operatorëve të ndryshëm nga Komuna e Vitisë dhe do të donim me ditë për ku dhe për kë po shkojnë, po barten këto mjete. Këtu e keni cekë që 4 mijë e 987 euro janë shpenzime kapitale për ambulantën në Viti dhe atë e dimë për çka janë. Por këto 297 mijë e 87 euro nuk e dimë se për cilat projekte konkretisht janë. A ka mundësi me na tregu se për cilat projekte do të ndahen këto mjete?

**z.Basri Aliu:** Unë, në emër të grupit parlamentar, po e marr fjalën. Përshëndetje për të gjithë të pranishmit. Duke pasur parasysh që kjo është një seancë e jashtëzakonshme me një pikë të rendit të ditës dhe duke ditur se buxheti komunal është i ngarkuar në kuptimin e pagesave ndaj përmbaruesve, të cilat janë rregulluar me kontratë kolektive, ka nevojë që këto mjete të shkojnë në vendin e duhur, aty ku ka më së shumti nevojë dhe ku është prioritet për komunën. Prandaj, ne jemi në përkrahje të shpërndarjes së këtij kodi buxhetor nëpër kode tjera buxhetore.

**z.Visar Demiri:** Përshëndetje për të gjithë. Ne, si grup, jemi për bartjen e këtyre mjeteve nga viti paraprak në këtë vit.

**z.Labinot Bislimi:** Unë e kam të njëjtën pyetje si Jakupi. Faktikisht, ku shkojnë këto mjete, sepse nuk është e detajuar? A mundet me na dhanë dikush një sqarim konkret se ku dedikohen këto 297 mijë euro? Është e vërtetë që aty po shkruan për ambulantën ato 4 mijë euro dhe ato i dimë për çka janë, por të tjerat ku shkojnë? Ne e kuptojmë që ka pasë rregullim të buxhetit dhe krejt këto, por tash, meqenëse ka pasë rregullim të buxhetit dhe ju po doni me i aloku këto mjete, do të donim me ditë se si planifikoni me i shpërnda. Pra, nuk është një shumë e vogël; janë afër 300 mijë euro dhe kjo është ajo që deshta me ditë.

**zn.Milohate Ajeti, drejtoreshë:** Për pyetjen e njëjtë të Jakupit dhe Gjinit, këto mjete janë për obligimet që lidhen me projektet e bashkëfinancimit me donatorë. Pjesa tjetër e financimit është realizu, ndërsa për shkak të procedurave dhe çështjeve me përmbaruesit kemi mbetë pak mbrapa. Bëhet fjalë për inkubatorin dhe kalldrëmin. Një pjesë e mjeteve janë të definuara për këto projekte dhe janë të planifikuara në kodin 90552, te bashkëfinancimi.

**z.Labinot Bislimi:** Drejtoreshë, për cilën kallderm është fjala? Për kalldermin në pjesën ka lumi, se kallderm ka shumë në Viti. A është fjala për sheshin kryesor apo atë pjesën natana.

**zn.Milohate Ajeti, drejtoreshë:** Te sheshi kryesor.

**z.Jakup Demiri:** Drejtoreshë, deshta me ditë se puna është kry këtu në shesh, mesa di unë. A ka pranim teknik sheshi?

**zn.Milohate Ajeti, drejtoreshë:** Jo, nuk është bërë pranimi teknik, por nëse nuk gaboj është njëfarë përqindjeje që nuk lëshohen mjetet deri sa të bëhet pranimi teknik. Ne ato që i kemi obligim dhe që e kanë bërë punën dhe kanë pru raportin menaxherin, e kemi obligim pjesën që na takon neve, mandej për pranim teknik janë inxhinierat, prokurimi nuk e di për atë pjesë.

**z.Jakup Demiri:** Në rregull, tash nuk po hy në rregullat e lojës, se ato nuk i kemi vendos ne, por zakonisht në projektet të cilat nuk kanë pranim teknik dhe që janë shumë të mëdha në vlerë, kompanitë, e di që diku 3–4% nuk i kanë marrë paratë, ndërsa pjesën dërrmuese, mbi 90%, edhe i kanë marrë paratë dhe kurrë nuk kanë ardhë as me i rregullu, as nuk kanë pas pranim teknik. Duke u nisë prej projekteve edhe para 10 vitesh po flas, dhe unë jam kundër kësaj bartjeje, për vete po flas, për një projekt i cili nuk është kry, nuk ka pranim teknik dhe i bëhet pagesa.

**z.Hasan Aliu, nënkryetar i Komunës**Përshëndetje të nderuar të pranishëm. Jakup, e the edhe vetë se këto rregulla të aspektit ligjor nuk i kemi bë ne, ato janë të aspektit të përgjithshëm, të cilat i ka bë Kuvendi i Republikës së Kosovës dhe, konform të asaj, është obligativ të silltet edhe ekzekutiva, në këtë rast edhe qeveria komunale. Prandaj po e them me sinqeritetin më të madh se nuk do të ketë pagesë përtej asaj që është e parapame me ligj. Aq sa është me ligj e përcaktume dhe shuma e ndaljes deri sa të bëhet pranimi teknik, do të jetë në përputhshmëri me ligjin. Unë e kam pasë një takim, për shkak se nëse keni shiqu, ka shumë vende që duhet me intervenu te sheshi dhe është një garancion njëvjeçar i punëkryesit, i cili është zotu që në periudhë të shkurtë kohore do t'i menjanon. Janë disa kubëza që kanë kris, ujësjellësi është dhenë, pusët e cila ka ra nga niveli, dhe kam pasë një takim të progresit, ku është zotu që së shpejti do t'i menjanon, dhe pa u menjanue ato nuk besoj që do të bëhet pagesa. Megjithatë, ne si ekzekutiv duhet me qenë të përgatitur që, kur të rregullohen, me qenë e përgatitur edhe pagesa. Pikërisht për atë është edhe sot kjo. Fatmirësisht kemi qenë me mjete vetanake pak më mirë se që kemi pasë të planifikuara dhe të aprovuara nga Kuvendi Komunal.

**z.Jakup Demiri:** Nënkyetar, nuk po du me t'u kundërvë, po prej praktikave të më hershme ka pasë zotime edhe të kompanive të tjera, të cilat më herët nuk i kanë kry zotimet për të cilat janë zotu që do të intervenojnë e nuk kanë intervenu. Ish kanë mirë me kohë me na i përcaktu edhe ne, i kishim diskutu mes vete, me ditë se ku janë tu shku ndarjet. Nuk po më duket që është në rregull. Prap po e them, se më së pari disa punë nuk janë kry si duhet. Tash, a është në shesh këtu, a është rruga ka lumi, edhe këtu nuk e kam të qartë, se është një projekt, siç e di unë, veç i ndarë. Por edhe andej ka lumi unë nuk e di se çfarë intervenime kanë me bë, po ajo është problem me u rregullu, se ajo nuk është mirë e punume.

**z.Hasan Aliu, nënkryetar i Komunës:** Edhe për atë e kemi pasë takimin dhe është qëndrimi i komunës që kubëzat duhet me u heqë krejt dhe duhet me u rivedos në mënyrë profesionale, ashtu siç e ka fillu që e ka pasë një mjeshtër në fillim të rrethi të xhamia. Nuk do të lëshohen paratë definitivisht pa u kry në formën më të mirë të mundshme.

**z.Basri Aliu:** Unë thashë që, duke e ditë që është seancë e jashtëzakonshme edhe kjo pikë e rendit të ditës realisht në KPF ka kalu, ku ka qenë pjesë edhe Jakupi dhe sqarimet kanë qenë më së shumti shkak i donatorëve, të cilët duhet të kryhen obligimet ndaj donatorëve. Prandaj unë jam që mos të diskutohet shumë në këtë seancë, por t'i kryejmë obligimet si asamblistë dhe t'i japim hapësirë që të vazhdojnë punët të kryhen.

**Kryesuesi i Kuvendit, z.Bekim Azizi:** Veç një ta dimë: te kod i "participimi me donator", ky është kod më i gjerë, se ne zakonisht këtë kod e kemi si të përgjithshëm. Zakonisht edhe projektet që mund të nxirren prej këtij kod, përherë, nëse vjen një donator, ky kod është si rezerv që mundet me u kombinu. Nuk është i përcaktim tamam për një pikë; ti mundesh me orientu mirë, po ky kod mundet me u përdorë edhe nëse ka donator.

**z.Labinot Bislimi:** Unë nuk mendoj si Basriu që duhet t'i ikim debatit, pavarësisht se është seancë e jashtëzakonshme. Për t'i ikë debatit keni mujt me i caktu me njëherë aty në letër se ku kanë me shku këto donacione dhe kishim mujt me ardhë menjëherë në temë. Nuk muj në tan kohën me kalu në gjana pa i diskutu dhe pa u marrë vesh në kuptim se për çka po bëhen këto. Nëse jemi opozitë dhe nëse jemi në Kuvend, në fund të fundit është me kërkim llogari dhe me i informu qytetarin se çka po bëhet, se këto shifra realisht qytetari nuk i kupton, e nuk po i kuptojmë as ne që jemi këtu. Po mundoheni me i ikë, tash. Qëllimi i Kuvendit është definitivisht për me i diskutu këto gjëra, për me e ditë se çka po bëhet. Nëse ne nuk i kishim bërë këto pyetje, kush e kish ditë se ku janë tu shku, për kubza a për me kosit barin, a ku është? Është elementare me diskutu në Kuvend dhe nuk pajtohem që me i mbyll seancat e mos me i diskutu temat.

Në këtë rast po du edhe me pyet: ky projekt që u tha që nuk ka pranim teknik, unë deshta së pari me ditë, se nuk na ka ra rasti me pyet, a ka pas projekt, a ka pas sinjersht projekt? Se ky shesh mu duk që u bë pa një projekt serioz, se duken mangësi të mëdha. Deshta me ditë rreth këtij projekti: a ka pas najherë projekt, se qysh e kemi pa andej ato kubëza që i keni vnu nga pjesa e lumit, nëse ju më thoni që ka pas projekt, ajo pjesa andej nuk e di si me ju besu. Edhe këtu, a ka pas najherë projekt për së mbari apo jo? A u qu dikush e ka vizatu pak a shumë sheshin edhe u bë? Kur po flas për projekt, a janë mendu të gjitha parkingjet, lëvizja ku mundet me shku qytetari e ku nuk mundet, komunikacioni e krejt? Se po më duket që dikush po i vizaton në letër edhe hajdeni burra, edhe këtu me ditë pak se ku jemi tu shku.

**z.Basri Aliu:** Faleminderit, kryesues. Nuk pata qëllim me i ikë debatit, po qëllimi ka qenë që të gjitha këto që kanë me u shpërnda në këto projekte tjera janë projekte që kanë kalu përmes këtij Kuvendi. Realisht, ne i kemi kalu këto projekte dhe kanë me u shpërnda mjetet aty ku është e nevojshme.

**z.Labinot Bislimi:** Basri, edhe ti e din që Kuvendi paraprak edhe ai ka qenë me shumicë prej LDK dhe PDK. Nëse i ke kalu projektet, i ke kalu ti, nuk është se i ka kalu krejt Kuvendi. Ne duhet me diskutu dhe qytetari duhet me dëgju zërin e opozitës rreth këtyre projekteve dhe me ditë se çka po bëhet.

**Kryesuesi i Kuvendit, z.Bekim Azizi:** Po kërkoni që të diskutojmë për rendin e ditës. Për tema tjera mund të kemi pika të veçanta, ama projekti i kubëzave, sa projekt i Kuvendit është, është projekt që është përfitu me donator përmes performancës së komunës, që është fitu prej Ministrisë dhe DEMOS-it.

**z.Illir Zuka:** Për këtë pikë që po diskutojmë, ne në KPF kemi diskutu dhe njëzëri kemi vendos që të vijë në Kuvend dhe me kalu. Edhe këtë që e kërkon Labinote nuk jemi kundër, ama duhet me qenë pikë e veçantë e rendit të ditës.

**z.Elham Emërllahu:** Kjo pjesa e fundit e Basris, shefit të grupit të LDK-së, ndoshta edhe pa qëllim e ka pasë, ama po mundohet me e stupu debatin. Unë në parim jam për me procedu këtë pikë të rendit të ditës, po ajo që po e kuptoj unë është se shumica e këtyre mjeteve, 297 mijë euro, me sa po e kuptoj unë, janë borxh publik i komunës. Edhe pse raporti nuk ka ardhë i qartë e specifik për cilët projekte janë, po më duket që shumica janë borxhe që i kanë mbetë komunës. Kërkoj prej drejtoreshës me na sqaru me detaje se sa mjete kanë me u destinu për projektin e sheshit që po thuhet, edhe pse pranim teknik ende nuk paska.

**z.Basri Aliu:** Nuk e kam qëllimin me ndal debatin, se debati nuk ndalet rreth pikës së rendit të ditës. Po jashtë pikës së rendit të ditës kalohet në projekte dhe diskutohet për projekte, dmth që sa i përket rendit të ditës nuk kemi nevojë me e zgjatë, e lëmë një seancë tjetër, i thirrjmë edhe inxhinierat edhe kushdo që janë pjesëmarrës në projekte dhe na japin sqarime.

**z.Jakup Demiri:** Është mandati i tretë që e kam dhe zero transparencë ka pasë për këtë projekt të sheshit. Këtu nuk ka pasë projekt detal fare. Ne kemi bisedu edhe me kompaninë edhe ata sot kanë punu diçka tjetër e në mëngjes ju ka dalë një punë tjetër. Këtu kemi bisedu për me kry sheshin, me pas pranim teknik eventualisht deri në shtator, e tash u bënë dy vjet e nuk ka pranim teknik, po as nuk është diskutu në KPF, që po thot Iliri, sa e vërtetë është për këtë projekt. E keni prur si keni dashtë ju, jemi kanë kundër krejt. Ky sheshi i Vitisë edhe disa projekte në Viti nuk kanë transparencë, ama duhet me ditë se për çfarë projektësh janë tu u nda këto mjete. E ki një trotuar në Tërstenik që s'është përfundu ende për shumë vite, shko kqyr qysh është gjendja. E ki edhe në Smirë pa përfundu.

**z.Ilir Zuka:** Fatlum, në seancën e fundit të KPF-së kjo pikë e rendit të ditës është mbrojtë nga drejtoresha e financave. Kemi votu njëzëri për me shku në Kuvend, po a jo?

**z.Bekim Azizi, kryesues i Kuvendit:** 559.28 janë mallra dhe shërbime, subvencione e transfere në vlerë prej 1,230.00 €, shpenzime kapitale në vlerë prej 4,987.63 €, në kodin 53893. Ndërsa participim i projekteve me donator, kodi (90552), shuma prej 297,078.84 € për pagesën e projekteve të bashkëfinancuara me donator. Drejtoreshë, kisha kërkuar që kodet me i pas çdo këshilltar komunal, që mos me diskutu për kode. Ky është propozimi. Pas krejt debatit që u bë, e qes në votim për miratim. Kush është për? 16 vota pro, 1 kundër, 4 abstenim. Miratohet ky propozim vendim. Mirupafshim në seancën e radhës.

Mbledhja përfundoi me punë në ora 10:40 min

**Procesmbajtësi:**  
**Fatlum Demiri**

---

**Kryesuesi i Kuvendit Komunal:**  
**Bekim Azizi**

---